

Gjykatës Themelore në Prishtinë - Departamenti i Përgjithshëm

2018 AUG -3 AM 10: 44

**Paditësi:** Hashim Thaçi - President i Republikës së Kosovës,  
Adresa: Sheshi "Nënë Tereza", Ndërtesa e Kuvendit, Kati 1, 10000  
Prishtinë

**I padituri:** Milaim Zeka - deputet i Kuvendit të Republikës së Kosovës  
Adresa: Prishtinë – Kosovë

## P A D I

### KUNDËR SHPIFJES DHE FYERJES

1. Paditësi, me datën 11.07.2018 është ballafaquar me dy shkrime, njëri me titull: *"Vëllezërit Geci paralajmërojnë ballafaqim në gjykatë me Thaçin, e zbulojnë se ai e shkroi komunikatën nr.59, Milaim Zeka ua tregoi 3 dëshmitarët"* dhe tjetri me titull: *"Këta janë tre dëshmitarët kundër Thaçit që Milaim Zeka ua tregoi Gecëve të Llaushës"*, të publikuar në portalin "Bota Sot", ku ndër të tjera shkruhet se *"...Fadil Geci, gjatë ditës së sotme në faqen e tij në facebook, ka shkruar se komunikatën numër 59 në emër të Shtabit të Përgjithshëm kundër vëllait të tij, Ganisë, e ka shkruar presidenti aktual, Hashim Thaçi. Ai ka treguar tre dëshmitarë, që sipas tij ia ka treguar Milaim Zeka..."*. Në po të njëjtën ditë, më 11.07.2018 përmes rrjetit social Facebook, në profilin personal të të paditurit Milaim Zeka, jepet një sqarim rreth shkrimit në portalin "Bota Sot" lidhur me komunikatën 59, ku ndër të tjera thuhet se *"... Kurrë ne jete, as Gani Gecit, e asnjë personi tjetër nuk i kam deklaruar që Hashim Thaçi e ka shkruar atë komunikate. Ajo që kam thënë, pas akuzave të Ganisë për disa komandante të Drenicës që "kane bashkëpunuar" me UDB, unë i thashe që do ishte mire me u ba nje pajtim, edhe me i harru konfliktet e luftes. Te gjithë po akuzojne njëri-tjetrin i kam thenë. Psh: Jakup Krasniqi, Fatmir Lima dhe Rexhep Selimi thone se komunikaten ne fjale e ka shkru Hashim Thaçi. Pra, ata thone, jo unë. Pavaresisht kush e ka shkru, personalisht mendoje se pergjegjesia eshte e çdo anetari te Shtabit. Askush nga Shtabi nuk eshte distancuar nga ajo komunikate deri me sot..."*. Me këtë shkrim në profilin e tij personal në Facebook, i padituri ka publikuar fakte dhe deklarata të pavërteta, edhe pse e mohon që asnjë personi nuk i ka deklaruar se Hashim Thaçi e ka shkruar atë komunikatë dhe deklaron se asnjëherë nuk e ka lexuar Komunikatën numër 59, por thirret në emër të z. Jakup Krasniqi, z. Fatmir Limaj dhe z. Rexhep Selimi, gjëja që ata kanë deklaruar se komunikatën në fjalë e ka shkrua Hashim Thaçi.

I padituri i din se faktet dhe deklaratat janë të pavërteta, por janë bërë me qëllim të dëmtimit të reputacionit të paditësit. Në këtë postim, i cili në fakt është shpifje dhe fyerje, i padituri e din që informacioni është i rrejshëm dhe këtë e ka bërë me qëllim të dëmtimit të reputacionit të paditësit si dhe dezinformimit të opinionit të gjerë.

#### Provë:

- Kopja e shkrimit në portalin Bota sot me titull: *"Vëllezërit Geci paralajmërojnë ballafaqim në gjykatë me Thaçin, e zbulojnë se ai e*